

Mis Büüre verzöüt Gschechte – Lisbeth Wüest



Vatter Josef ca. 1960



Trompeter Toni 1971



Sohn Daniel 2004



Wägedem! 2020

Ned ganz ärscht die ganzi Gschecht!

Fasnacht – jo, die esch haut ou asteckend!
Mer hed s'Fasnachtsfieber, oder mer heds äbe ned!

Es hed agfange met mim Vatter, e totale Göiggu met sim Klarinett, auso en Chnöbubisser. Aus Frou met Reifrock ond Perügge onderwägs a de Fasnacht.

De gets no en anderi Kultur, wo ganzi Beize verkleidet wärdet, met wonderbare, gmolet Böuder wo Bezog hend zo de Lüüt ond de Gmeind, auso so en Art Fasnachtsziitig im Grossformat.

Ond aus jongi Frou louft mer den en Maa metere Trompete über de Wäg, ond scho esch en wiiteri Fasnacht gebore. Längi Nächt met Probe ond baschtle ond Deheime schnorpfe, mängs Johr aus Guggemusikant onderwägs.

Spöter hed die asteckendi Chranket weder zuegschlage! D'Chend hend das scho gli gschpört, entweder aus Prinzässin oder Indianer, wo sie öuter worde send met schwarzem Grend oder aus Mottogruppe onderwägs. Ou de Nochwochs vo de Chend esch befalle vo dere asteckende Chranket Fasnacht.

Stoff i grosse schwarze Säck, es paar Blätter met zwöi, drü Zeichnige... ond scho esch weder es Chleid gebore worde, met Bänder, Satin, Spetze, Fuetter, Latex, Stopfwatte, Chnöpf, Riissverschlöss, Klett, Drockchnöpf ond Schnalle. Sozüge es Zämesetzi met Fuege wo riesigi Usmass hend chönne anäh, aber emmer weder spannend gsi esch.

Aber ergendeinisch esch ou die Ziiit verbi, anderi Johrgäng, anderi Planer ond haut s'Auter chömid. Nome no lose, gniesse, luege ond heimlech schmonzle über alli die Gschechte wo einisch send gseh, met «weisch no?» ond «was esch passiert?» ond «soo guet!» ond «uhh, chaut!» ond «soo gruusig!» ond

Mer weiss haut nie, was die asteckendi Chranket met eim macht. Sie chond jedes Johr zonere bestemme Ziiit ond goht ou pönktlech weder, wenn sie gnueg hed.

Der gsänd, es esch ned aues so ärscht, wens om d'Fasnacht goht. Aber so rüüdig schön!!



lose
luege
gniesse
schmonzle

Lisbeth ond
Toni, zäme
über 50 Johr
gemeinsami
Fasnacht